

山中聞見錄卷六

管葛山人

建州

崇禎十二年己卯正月庚申

初

清人合兵圍濟南驅士民

負土築高臺架大砲擊城中復驅之負土阻河流城中大
浸濟人素疾遼人事急募遼人守陴疑之盡遣出已復召
入城德王先散金募士以自衛軍信緩責償其金又以苛
禮慮諸司百姓怨王無爲守者總兵倪寵援濟南觀望不
前遂陷巡按御史宋學朱左布政使張秉文督學副使翁
鴻業知府苟好善推官陸燦厯城知縣韓承宣死之盡殺
諸郡王虜德王及宮眷載以橐車以車四千兩載子女金
帛徐引北去我兵環視無敢邀擊者攻武定州拒守不能
克鹽山慶雲望風潰回哨復陷海豐乃去胡馬幾及河上

孔有德將德王北行清人大軍久屯豐潤玉田剖孕婦視胎男則出口利女則否剖至十胎連得三男其酷如此命副總兵祖寬自太山間道扼青州張韜邱磊以鐵騎六百爲前鋒留守鄒平二月清人捆載東歸總兵陳國威擊之喜峰口却之己亥一清人合兵出青山口帝以畿輔名城盡墮親藩失陷乃按軍律先誅吳國俊逮陳祖苞張其平顏繼祖倪寵祖寬內監鄧希詔孫茂霖及失陷州縣李綦昌等置之獄祖苞仰藥死獄中繼祖其平等三十二人俱論死削楊嗣昌官階以冠帶視事謫劉宇亮爲民戍趙光抃惟高起潛僅薄降領兵如故嗣昌建議於薊門保定宣府開三督府抽練精兵六萬騎三步七加田賦六百萬遣科臣四出苛求甚急抽練諸兵離故伍久戍屢聞噪遁七月四王子復渡河攻圍甯錦松杏殺總兵金國奇

八月初六斬其平繼祖等於西市

崇禎十三年庚辰四王子以大衆築義州溝屋屯田更番
戍守爲持久計以逼我八城三月清兵犯塔山吳三桂擊
之殺傷九十餘騎擒其酋長清兵敗走復合西路犯松山
吳三桂逆戰破之殺傷千餘西路王子台吉死於兵四月
清人以數千騎屯於子嶂我師夜襲之移營東北吳三桂
馳杏山劉肇基扼松山五月戊戌入清人以萬五千騎犯
杏山深入至夾馬山三桂合步騎擊之清兵退杏山逐之
不戰而走己亥十清人合兵分道進薄我師三桂勒兵大
戰裨將周祐李德威楊倫哭擊裊創血戰攢射敵帥墜馬
死殺傷無算奪馬六十匹清兵大敗走祐等以創重死

六月四王子令九王子麥勒根守義州四王子調蟒官振
哈喇禪家八千騎王燒餅家千騎合東西諸部數萬渡河

西侵連營二十里令麗人具舟轉餉以給軍進屯錦州得勝堡以輕騎綴柴樓山全師渡饒首山直薄錦州吳三桂祖大壽合諸軍力禦却之已而四王子復以萬騎從治河人王師婆谷劉大人屯至孫官屯立營復進屯羊房南泥河更以萬騎入戚家堡分屯神桃園白陰山爲十五營復以一軍入盤山王家潰夾馬山更從亮馬諸山分軍爲三西行至二郎洞營盤山合兵趨岳家山犯錦州入城俱震十一月戊戌^{廿六}命洪承疇出關將抽練諸兵前扼敵

崇禎十四年辛巳二月壬子

^{初七}

大甯河清七日偏頭關天

鳴

三月丙申

^{廿一}

清兵入塞祖大壽合諸軍禦之於錦州

旋引退清人旣屯義州益攻圍錦州以外諸屯堡錦州樵採路絕九王子將大衆圍祖大壽於錦州洪承疇旣出關錦圍累月未解朝議謂關內外勝兵可得二十萬渡河搗

穴則錦圍不戰自解職方司員外郎張若麒侈口談兵事
請赴關外督戰趣承疇出師 六月戊辰^{十八}上御平臺召

問兵部尙書陳新甲退與侍郎吳甡議遣張若麒單騎出
關監承疇進兵 八月承疇連營稍前若麒日請出師承

疇合王樸唐通曹變蛟吳三桂白廣恩五鎮兵及抽練諸
軍十五萬進援錦州次乳峰山營於嶺上立木城絕架戊

申^{初五}步兵萬人循山進騎兵數千直衝敵壘清人三分逆

我師騎兵稍引却清人逐之入步營火砲齊發殺傷甚衆

清人合步騎萬餘架梁乳峰西山以進我師戰於山巔拒

之不得前俯視錦州若咫尺呼噪聲相聞城中出兵夾擊

殺傷相當內外終不得合清人更以大衆蹙我師王樸唐

通宵遁諸軍潰填海者不可勝計士馬失亡以數萬清人

逐之至松山承疇退守堡尙有騎兵七萬清人大衆圍之

士卒一敗不能復戰固守月餘食盡諸將請潰圍走承疇
曰吾以十五萬衆救錦州喪師而敗何面目復見陛下乎
必死此若曹努力歸報天子諸將分道潰圍出圍三面空
其東東瞰海東走者陷於淖矢礮所及百無一免咸棄甲
降潰圍出者二萬騎而已遼東巡撫邱民仰死之曹變蛟
王廷臣戰死若麒麟浮海走登州承疇被執松山杏山俱陷
錦州路斷祖大壽力竭降於清吳三桂悉力守甯遠清人
頓兵不進承疇至北庭絕食數日四王子盛供張侍以降
將數十人令曰承疇苟不食死若輩斷腰領矣諸降將日
夜涕泣說承疇承疇卒不死松錦旣陷舉朝震動潰圍出
者俱言承疇死帝頗疑之請卹之章浸不下舉朝爭之幾
半載乃賜承疇民仰變蛟廷臣祭塋并及近歲死事大臣
設壇都城帝親臨祭立承疇祠於京師曰旌忠承疇已委

贊北庭矣 黑雲龍自北亡歸上貸之以爲神機營副將
雲龍言強敵犯邊須草茂乃勅邊將燒荒違者以失誤軍
機論自是冬春之際患稍息

崇禎十五年壬午四月癸亥

廿四

清兵襲破塔山城中士民

皆自焚 十一月清人大舉入犯先以輕兵綴甯遠悉眾

犯三協已巳

初三

清人突興水堡辛未

初五

攻甯遠巡撫黎玉

田總兵吳三桂禦却之癸酉

初七

退屯寨兒山清人合金他

失土木寨魚皮韃子四家雜部共十三萬八孤山分將之

統以兩王子曰河龍貝勒昭陀貝勒各將三萬騎爲二營

降將孔有德祖大壽導之己巳夜漏三十下營於虎石哈

石門寨離邊二百里庚午

初四

界嶺小將出寨燒荒中敵伏

襲旗鼓以近寨諸路不覺也清人勒精騎晝夜疾馳二百

里辛未

初五

亭午至塞下分道窺青山冷口桃源游擊簡化

龍守箭捍嶺李如澄守青山口矢石拒之不得入副將胡
文顯守界嶺擊之於口外一人潛梯止關城老嫗覺而呼
守者墜石焉殺之獲其弓刀唐通亦却之墻子路西窺梨
樹灣鶯不落皆界嶺地也守將陳聯芳失薊督范志完旨
易以副將柏永馥永馥乞餉於永平盡以所部往撤守械
封火礮四日不返清人如入無人之境烽火寂然既入口
毀墻數里平夷之先至者二萬騎日夜馳馬多道死剝而
食之爲營十三於邊外不穿塹人四爲一竈凡竈四千八
百二十四營成分兵紀臺頭嶺總兵馬科馳五十騎搏戰
清人圍之殺一副將砲擊敵騎多所傷引去攻撫甯樂亭
皆下之飛騎趣後軍悉入向夕拔營而東壬申初六至永平
永平之兵潰攻昌黎堅守不下癸酉初七分營東西剽掠逼
通州白廣恩守通城門大開寂無譁者清人至不敢攻廣

恩鳴砲擊之傷人馬無算驚引去 清人合兵圍薊州都

門戒嚴甲戌

初八

命兵部右侍郎金之俊出鎮昌平戶部右

侍郎王鰲永督治通州起趙光抃於戍籍以兵部右侍郎

總督薊門通津命關遼總兵黃蜚練水師牽制遼瀋命提

督京營恭順侯吳惟英練營兵遠哨深命襄城侯李國楨

選官舍子弟六千人爲忠義營給甲仗槍砲弓刀旗幟丙

子

初十

清兵百道攻薊城頭火起遂陷將吏咸被戮屠薊州

都門大震清人初屯塞上未敢深入薊遼總督范志完屯

山海關按兵不動關永巡撫馬成名請出師三日始發聞

清兵盛殫兵豐潤不進二日復退屯關上軍民環哭請救

薊未發薊已陷因進屯玉田檄關甯兵二千人入關時甯

遠方急寇退黎玉田令叅將潘永昌將銳師千人入關從

督師進討丁丑

十一

上命太監王承恩齎御前銀萬兩蟒紵

百色紵三百絹布千新鈔三百錠赴軍前賞有功者戊寅
二詔運通倉米入都分命兵科給事中時敏等巡察諸路
堅壁清野詔督師志完薊督光抃東西夾擊命宣大總督
江禹緒以兵入衛刻三日至都以姜埏爲保定總兵兵部
尙書張國維徵臨濟應天江浙延綏甘肅甯夏臨洮川苗
鎮筸南贛兵二十一萬入衛復徵劉澤清兵赴京師清
兵旣破薊分兵將所擄子女輜重出塞益勾塞外諸部入
黃厓口分屯塞上青楊諸路以防我兵之鈔截清兵行營
騎兵在前步兵在後砲車居中我之西洋大砲多爲所得
分兵爲三各以降人導之墨勒根蝦引一軍西截通州餉
道祖大壽引一軍東攻山永孔有德剛阿泰引一軍中路
下山東墨勒根蝦剛阿泰皆大壽子也范志完吹遵化馳
奏關外戰守功勛志完以別將守關督總兵白廣恩東協

三屯鎮薛敏忠西協唐通合兵趨薊命中協總兵張汝行
守通志完奏敵營多我陷沒將士詔命督師榜諭陷敵將
士許其殺敵立功受賞以曾化龍巡撫登萊命西洋人湯
若望造撫間銃車 閏十一月丁酉朔清人久息馬於薊
拔營而東攻寶城知縣高承埏却之攻香河知縣朱帥欽
堅守不下分兵下山東屯長蘆洲哨濶十餘里長五十餘
里馬馱輜重子女絡繹東行一晝夜不絕山東巡撫王永
吉以兵扼兗州聞敵漸逼東省己亥^{初三}自兗聞道入濟南
畫守禦移濟甯紅夷砲二十二於濟南分致二十於德州
助城守壬寅^{初六}人犯河間癸卯^{初七}攻德州武德道僉事
雷縝祚禦却之其在畿南者悉衆圍霸州州兵出戰擒四
人縛之射殺於城頭清人怒急攻之道將分城守砲石多
殺傷攻圍三日外援不至甲辰^{初八}州陷僉事趙輝死之屠

霸州遂陷保定縣乙巳

初九

陷文安縣士民屠慘殆半詔總

兵姜瓖東援河間滄景諸兵悉聽瓖節制丙午

初十

犯臨清

清人攻河間城上紅夷砲一發碎五六十騎再發斃百餘

騎三發砲裂城崩數丈清人乘勢環攻戊申

二十

城陷叅議

趙珽知府韓楨紹知縣陳三接死之揚州解京銀數十萬

皆爲所有劉澤清奉檄東歸救臨清乙巳至臨清清人踵

至澤清不及入城西走曹歸丙午敵騎盡至臨清戊申肉

薄登城僅二人攀堞上守者咸逃新舊二城一月俱陷州

爲北方大都會巨賈雲集貨寶億萬萬皆爲所擄盡剪丁

壯髮掠之入營中子女連屬於途立十三營於城東延袤

數十里建人三入塞畿南二東多殘破惟臨清獨完富甲

海內劉澤清兵八千守之澤清奉檄而北離臨清不數舍

清人兼程疾馳乘虛入之方澤清次椎縣清人正嚮河間

澤清旣南還河間臨清同日而陷論者多咎中樞調度失
策云清人破南皮武城其陷河間者分兵犯雄縣砲擊之
引去攻陷固安大掠眞定諸屬縣攻滄州大城獻縣任邱
知州羅燠知縣李松年王奇才宋調元等皆堅守不下清
人盡入山東詔東撫王永吉抵青州護藩命楊進移鎮保
定賑眞定所屬甯晉十四州邑之被殘破者革姜瓖職命
立功殺賊以赴救遷延致河間失陷也庚戌四十景州陷范
志完將關遼兵至德州淫掠雷演祚閉城不納壬子六十清
人入阜城癸丑七十復攻德州志完兵戰城下斬首數級引
去戊午二十攻東昌澤清禦却之遂西 庚申廿四夜半拱極
城刀仗有火光二寸許 辛酉廿五清人自臨清分五道攻
掠郡縣志完令總兵李輔明將關東騎兵千五百護充藩
士民苦暴掠魯王以充兵足自守檄輔明歸志完癸亥廿七

輔明遇敵於齊河返走濟南次東關王永吉檄青州護衛
藩清人二萬騎自高堂齊河東下癸亥至濟南屯鵲山
繞城而東王永吉擐甲登陴游擊侯天福發西洋砲驚引
去乙丑^{廿九}連營逼城西北叅將劉元科三發紅夷砲營中
紛紛墜馬引去向東南天福麾士卒矢砲相次發清人知
有備拔營而西是日分犯長山鄒平淄川淄川知縣史能
仁禦却之孫之獬言漢將關雲長見夢於之獬告以力破
敵淄川父老詣祠下見神像面貌汗如雨兵退能仁上其
事於巡按御史御史以聞勅祭關雲長言官論其妖妄請
罪能仁不報清人攻東昌知府宋炳奎扼險襲之飛砲
殺其副將加勒阿金拔營走十二月丁卯^{初二}清人自長
垣趨曹濮戊辰^{初三}臨淄陷知縣文昌時舉至自焚死己巳
^{初四}清人悉眾至青州屯五里驛癸酉^{初八}攻拔兗州監軍副

使王維新知府鄧錫藩推官李昌期副將丁文明死之執
魯王剪髮囚之以弓弦自縊死世子諸王咸被殺燔邸第
夷毀關廂屠兗州丁丑_{二十}至邳州知州決河引水環其城
敵馬不得及城下募死士夜渡河入其營焚芻砲敵驚徙
去詔志完光抃會師南討光抃次河間留兵版築旬月
不進上降詔責光抃督五鎮兵專征追勦宜會督師鼓鉦
殺敵豈得分兵築城遷延避寇范志完次滄州士民隔河
鳴砲以拒兵退屯河西上坡士卒飢凍乏食清人陷東
光阜城宣大總督江禹緒以馭軍無紀削職去命孫晉代
之卽日交其軍命京營副將唐班護餉道河西務不得有
所更調逮順天巡撫潘永圖山東巡撫馬成名以黃厓永
圖所轄界嶺成名所轄也以王繼謨巡撫順天李希沆巡
撫山東清人分屯甯津陽信一軍分掠山東一軍北向

犯大名彰德衛輝攻濟甯副使楊毓楫知府胡鳳閣却之
總河尙書黃希憲淮鳳巡撫史可法俱將兵北上可法趨
濟甯希憲趨臨清庚辰十五會於清江浦大閱軍士清人游
騎至宿遷可法飛騎趨淮取火器藤牌分致宿遷沭陽資
防守丙戌十一敵騎五百掠魏縣縣丞高爾見却之癸巳十八
清人以萬騎攻南樂堅守不能拔焚關廂引去分兵入內
黃官吏空城避清人至無所得卽日退去官吏復還

崇禎十六年癸未正月朝覲入賀各官俱不至計偕舉人
及淮而返 戊戌初三白廣恩將兵三千至德州趙光抃將

萬騎屯德州合廣恩兵自陵縣而東攝敵上漣縣清人自
郟城拔營一軍自駝峰走候山一軍出留馬莊走紅花鋪
趨宿遷副總兵王之仁將吳淞兵入衛次宿遷癸卯初八清
人犯宿遷知縣朱盛濂留之仁共守砲擊敵傷數騎引去